

## Universitätsbibliothek Paderborn

**Westphalia Sancta, Beata Et Pia, Sive Vitæ Eorum Qui sua  
sanctitate et piis exemplis Westphaliam illustrârunt**

Complectens eorum vitas, qui certò aut verisimiliter Natione Westphali  
reperiuntur cum titulo Sancti aut Beati

**Strunck, Michael**

**Neuhusii, 1715**

B. Walburgis Fundatrix & prima Abbatissa in Nienheerse

**urn:nbn:de:hbz:466:1-28481**

B. WALBURGIS  
Prima Abbatissa ac fundatrix  
Per illustris Domicellarum Collegii in  
Nienheerse.

Refertur cum titulo Sanctæ à Bucelino in Menolog. Benedictin. ad diem 25am Februarii, qui fortè fuit dies elevationis. Ferrario in Catalogo novo. Arnoldo Wion l. 3. Ligni vitæ ad eandem diem. Laurentio Beyerlinck in Theatro vite humanæ lit. E. pag. 192, de Luthardo Episcopo. Kersenbroch in Catalogo Episcop. Paderborn. ubi post Luthardum Episcopum ita scribit: Hujus soror S. Walburgis virgo Herlense nobilium virginum Monasterium fundavit, & bonis quam plurimis ditavit. Item cum titulo Beate à Nicolao Schaten to. 1. Annal. Paderborn. & in ordine ac serie Episcop. Paderb. impresso auctioritate Hermanni Wernerij Episcopi anno 1688. Fuit soror B. Luthardi Episcopi: hic autem cujas fuerit, videri potest in ejus vita, quam suprarecensuimus. Collegium Herlense fundatum est circa annum Christi 868, uti ex adducto diplomate ostendit Schaten to. 1. Annal. Paderborn. adhunc annum.

**P**ræclarum Diœcesis Paderana Virginum  
Cano-

Ca<sup>n</sup>onicarum sidus habuit in B. Walburge Westphaliæ nobilitatis fœmina, & B. Luthoradi Episcopi sorore. A teneris annis addicta rebus cœlestibus , virginitatem suam Deo consecrare statuit ; atque unà cum aliis Dominicellis pluribus Divinis obsequiis se totam mancipare. Eum in finem patrimonii sui bona, quæ sat̄ ampla, lautāq; erant, cum fratre in unum contulit ; congregat̄sq; è Westphalia ejusdē propositi nobilissimis Virginibus , Collegio & Ecclesiæ Herisiensi in Diœcesi Paderana initium fecit ad annum Christi 868. Dignitatem Abbatissæ non tam fundatrixis nomine, quām conspicuæ sanctitatis, & virtutum suarum merito prima ibidem tenuit. Di- vo Remberto Bremensium Archiepiscopo , cui Luthardus Frater eam commendaverat, usq; est omnino familiariter ; ab eoq; literis ad se & Sorores Virgines exarat̄s ita instituta; ut omnium Virginum Deo sacrarum exemplar esset. Exstat adhuc earum literarum exemplar aliquod apud Bollandum in vita S. Remberti cap. 5to, quod ob singularem elegantiam, succūmq; monitorum spiritualium huic loco totidem verbis inferendum duximus. Sic autem scribit :

Charissimæ Filiae Walburgi, cæterisq; Virgi-  
nibus

Z 5

Westphalia sancta,  
nibus & Sponsis Christi, Rembertus  
gregis Dei vilis Servulus, in Domino  
salutem.

**F**rater Adelgarius, nuper à vobis rediens, dixit  
mihi: graviter vos ferre; quid pār vitatis  
meæ literas raro suscipiatis. Quod modò mihi  
emendare cupienti, quid scribere debeam, nihil  
convenientius occurrit; quam ut vos de vestra  
sanctitatis commoneam proposito. Si igitur ad  
sublimissimam gloriam pervenire vultis; omni  
virtute incorruptionem corporis ac spiritus exco-  
lere debetis: interiori enim fotu ac pabulo puri-  
tatis subministrari necesse est etiam exterioris ho-  
minis castitatem; eamq; jugiter ad perseveranti-  
am perpetuae incorruptionis animari. Quod do-  
num si per Dei gratiam adeptas vos senseritis; [a]  
quantò magna estis, ut Sacra monet Scriptura,  
humiliate vos in omnibus, & coram Deo in-  
venietis gratiam. Ea enim viâ pervenire de-  
betis ad Christum Dominum & sponsum vestrum:  
quia ipse dixit: Discite à me quia mitis sum &  
hamicor. Curandum itaque est; ut omni  
custodia mens servetur à tumore superbie: non  
enim ante oculos Dei vacuæ transvolant cogitatio-  
nes nostræ. Intus ergo videt Deus, quod mentem  
elevat; & idcirco foris permittit invalescere,  
quod

[a] Eccl. 3. 20.

quod deponat. Dicit quippe per Osee contra Israëlias Deus : [b] Spiritus fornicationis in mediis eorum , & non cognoverunt. Qui ut ostenderet, sicut dicit [c] B. Gregorius, quod causa libidinis ex culpa prorumpat elationis, mox subdidit dicens : & respondebis arrogantiæ Israël in faciem ejus. Ac si diceret : culpa quæ per elationem mentis in occulto latuit, per carnis luxuriam in aperto respondebit. Proinde per humilitatis custodiam servanda est munditia castitatis. Si enim spiritus sub Deo premitur, caro illicite super spiritum non levatur. Habet quippe spiritus commissum dominium carnis sibi ; si tamen sub Deo recognoscit jura legitimæ servitutis. Nam si Auctorem suum superbiendo contemnit ; jure à subjecta carne prælium suscipit. Hinc est enim quod longa continentia repente solvitur ; hinc plerumque, quod & usque ad senium virginitas servata vitiatur. Quia enim negligitur humilitas cordis, rectus iudex despicit etiam integritatem corporis ; & quandoque per apertum malum reprobos annuntiat, quos dudum reprobos in occulto tolerabat. Nam qui diu servatum bonum subito perdidit, apud se met ipsum aliud malum intus tenuit, ex quo aliud subito erupit : ac per hoc omnipotenti Deo etiam tunc alienus existit,

[b] Osee 5. 4. [c] Gregor. l. 26. in Job. c. 18.

Westphalia sancta,  
 rit, quando se ei per munditiam corporis inheret  
 monstravit. Hec ego, Filiæ, non ideo scribo, quod  
 in vobis quidquam de qualitate superbie, vel va-  
 ne glorie cognoverim : sed quia vos opto in illa-  
 rum consortio esse, de quibus legitur : [d] Quo-  
 niam sequuntur agnum , quocunque ierit.  
 ubi multos cecidisse doleo, vos caute ambulare de-  
 sidero, optoq; ut dicat vobis Dominus & Sponsus  
 vester : [e] Tota pulchra es amica mea , &  
 macula non est in te. Itaque sequimini Agnum  
 in præceptis suis, ut ipso auxiliante illum sequi va-  
 leatis in aeterna vita , cantando canticum , quod  
 nemo potest dicere nisi chorus Virgineus. Hac pul-  
 chre B. Augustinus Virgines admonendo exposuit:  
 Pergite, [f] inquit, Sancti Dei, pueri & pu-  
 ellæ, mares, & fœminæ, cœlibes, & innuptæ ;  
 pergite perseveranter in finem : laudate Do-  
 minum dulciùs quem cogitastis uberiùs ; spe-  
 rate feliciùs, cui servitis instantiùs ; amate ar-  
 dentiùs, cui placetis attentiùs : lumbis ac-  
 cinctis & lucernis ardentibus exspectate Do-  
 minum, quando veniat à nuptiis. Vos affertis  
 ad Agni nuptias canticum novum, quod cantabi-  
 tis in citharis vestris ; utique tale, quale nemo po-  
 test dicere nisi vos. Sic enim vidit in Apocalypsi

[d] Apoc. 14. 4.  
 S. Virginitate c. 27.

[e] Cant. 4. 7.

qui-

[f] Aug. do

quidam præ ceteris dilectus Agno, qui discubere super pectus Domini solitus erat. Ipse vos [g] vides duodecies duodena millia Sanctorum citharæ illibatae virginitatis in corpore, inviolatae veritatis in corde. Sequimini Agnum, quia & Agni caro utique virgo. Sequimini cum in virginitate cordis & carnis, quocunque ierit. Quid enim consequinisi imitari? de quo B. Petrus: [h] Christus, inquit, pro nobis passus est, nobis relinquens exemplum, ut sequamini vestigia ejus.

Plures ejusmodi literas videtur hic sanctus Archiepiscopus scripsisse ad Walburgem, quæ vetustate temporis ad nostram memoriam non sunt perlatæ. Documenta tamen omnia quæ in iis comprehensa fuerant, adeò in se expressit piissima hæc Abbatissa, ut eam Vir Sanctus [i] unicam dilectionis suæ Filiam appellare solitus fuerit. Obiit Herisiæ die 4ta Martii, visiturq; adhuc hodie ejus sepulchrum in adsito Ecclesiæ Herisiensis Sacello cum hac inscriptione :

Hic veneranda jacet Walburg, quæ mente virili  
Struxit, & hoc rexit prima Monasterium.

Subje-

[g] Apoc. 14. 2. [h] Petri 2. [i] In vita  
S. Remberti c. 5. n. 19.

Subjectis vita tribuens exempla beatæ

Ecclesiæ cunctas amplificavit opes.

Nunc te Christe pium videat, quem semper a-

(marvit,

Vt dextris illam consocies o vibus.

III Non. MART. OBIIT.

S. WALTGERUS  
Comes Hervordiæ, & ibi-  
dem Illustrissimi Virginum Canonica-  
rum Collegii primus fundator.

Refertur cum titulo Sancti à Bollando in Acta  
SS. to. I. Ianuarii in addendis ad vitam B. Gode-  
fridi Comitis Capenberg. pag. 1111. col. 2. ubi sa-  
inquit : Tertium (Hervordiæ) Collegium  
cujus Abbatissa in omnem clerū jurisdic-  
tionem exercet, fundavit S. Waltgerus, cuju-  
vitam dabimus 16tâ Novembris. Petro Ca-  
niso in Martyrol. germanico ad diem 16 Novem-  
bris, ubi ita scribit : Item zu Erffordt (corri-  
ge Herforde) in Paderborner Landschafft  
(id est Diæcesi) des H. Beichtigers Waltge-  
ri / der ein Stifter war der Kirchen zu uns-  
ser lieben Frauen daselbst. Werner Rol-  
vinck l. 3. de moribus Westphal. c. 8. Ferrario

iii